



Tel: 035/668 650
Fax: 035/668 672
Broj: 02-45-3725/22

A. Izetbegovića 60-2. 75246 Čelić
E-mail: info@opcinacelic.ba

Čelić, 01.12.2022. godine

Na osnovu člana 69. stav (2) tačka e) Zakona o javnim nabavkama Bosne i Hercegovine („Službeni glasnik Bosne i Hercegovine”, broj: 39/14), člana 39. Statuta Općine Čelić („Službeni glasnik Općine Čelić“ broj: 3/2017), na Preporuku Komisije za javnu nabavku broj: 02-45-3725/22 od dana 30.11.2022.godine, u otvorenom postupku nabavke radova “Radovi na prekrivanju stambeno-poslovnog prostora, MZ Čelić, općina Čelić”, Općinski načelnik donosi:

ODLUKU o poništenju postupka javne nabavke

Član 1.

Prihvata se Preporuka Komisije za javnu nabavku broj: 02-45-3725/22 od dana 30.11.2022.godine i poništava postupak javne nabavke radova “Radovi na prekrivanju stambeno-poslovnog prostora, MZ Čelić, općina Čelić” koji je pokrenut Odlukom o pokretanju postupka javne nabavke broj: 02-45-3725/22 od dana 03.11.2022.godine, obavještenje o nabavci broj: 306-1-3-141-3-43/22 od dana 04.11.2022. godine.

Član 2.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-45-3725/22 od dana 03.11.2022.godine. Procijenjena vrijednost javne nabavke bez PDV-a je 36.300,00 KM. Obavještenje o nabavci broj: 306-1-3-141-3-43/22 objavljeno je na Portalu javnih nabavki dana 04.11.2022. godine. Javna nabavka je sprovedena putem otvorenog postupka.

Komisija za javne nabavke imenovana Rješenjem broj: 02-45-3725/22 od dana 03.11.2022.godine, nakon provedenog postupka otvaranja ponuda u skladu sa članom 63. Zakona o javnim nabavkama, dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-3725/22 od dana 28.11.2022.godine, Preporuku o poništenju postupka javne nabavke broj: 02-45-3725/22 od dana 30.11.2022.godine i Izvještaj o radu komisije broj: 02-45-3725/22 od dana 30.11.2022.godine.

U postupku po Izvještaju o radu utvrđeno je da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno dvije ponude i to: d.o.o. „Papilon“ Koraj-Čelić i d.o.o. „Dinamico“ Kalesija,
- da su blagovremeno primljene dvije ponude,
- da nije bilo neblagovremeno primljenih ponuda,
- da ponude ponuđača d.o.o. „Papilon“ Koraj-Čelić i d.o.o. „Dinamico“ Kalesija ispunjavaju kvalifikacione uslove predviđene Tenderskom dokumentacijom, te su ocijenjene kao prihvatljive, ali su cijene ponuda znatno veće od procijenjene vrijednosti za predmetnu nabavku.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 30.11.2022. godine u 14:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 30.11.2022. godine u 14:13 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponudene cijene.

Komisija je nakon ocjene ponuda i izvršene e-aukcije dana 30.11.2022. godine dala preporuku ugovornom organu da poništi postupak predmetne nabavke. Obzirom da je procijenjena vrijednost predmetne javne nabavke u skladu sa Odlukom o pokretanju postupka javne nabavke broj: 02-45-3725/22 od dana 03.11.2022.godine 36.300,00 KM bez PDV-a, a vrijednost prihvatljivih ponuda oba ponuđača su znatno veće od osiguranih sredstava za predmetnu nabavku, te kako ugovorni organ ne može osigurati dodatna sredstva za navedenu predmetnu nabavku, to su se stekli zakonski uslovi u skladu sa članom 69. stav (2) tačka e) Zakona o javnim nabavkama za poništenje postupka javne nabavke. Naime, cijena ponude prvorangiranog ponuđača d.o.o. „Papilon“ Koraj-Čelić, nakon održane e-aukcije iznosi 50.629,00 KM bez PDV-a, što čini razliku od 14.329,00 KM u odnosu na procijenjenu vrijednost predmetne javne nabavke.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku predmetne nabavke ocijenjeno je da je Komisija u svemu pravilno postupila. Uvidom u priloženu dokumentaciju nesumnjivo je utvrđeno da su cijene prihvatljivih ponuda ponuđača znatno veće od osiguranih sredstava za predmetnu nabavku, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. Stav (2) tačka e) Zakona o javnim nabavkama, odlučeno je kao u dispozitivu ove Odluke.

Uputstvo o pravnom lijeku

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

OPĆINSKI NAČELNIK

Admir Hrustanović, dipl. oec



Dostavljeno:

1. Ponuđačima (2x)
2. Komisiji za nabavke
3. Službi za računovodstvene, poslove trezora, privredu i razvoj
4. Za općinsku web stranicu
5. Evidenciji
6. Arhivi